



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Inqvisitorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

Forma absoluendi ab excommunicatione.

urn:nbn:de:hbz:466:1-13589

minus per modum prahabitum abiurabit.

177 Facta autem prædicta abiuratione, Inquisitor statim ibi publicè poterit abiuratum informare per hæc verba, vel similia in effectu: Charissime, tu hæreses, de quibus habebaris merito suspectus violenter, vt debuisti, in forma consueta Ecclesiæ abiurasti: & in hoc bene fecisti; cauteas tamen tibi quod non facias contra antedictam a te factam abiurationem, incidendo in aliquam hæresim qualemcunque generaliter, seu alias: nam scias de certo, quod (sicut te obligasti) sine vlla misericordia traderis brachio seculari, vltimo supplicio ferendus: quare consulo quòd sis cautus.

Quibus sic actis, absoluat eum a sententia excommunicationis, de qua est suspectus habitus violenter, quod incidit in hæresibus supradictis vnde sicut hæreticus, cum redit, & abiurat, est a sententia excommunicationis absolendus: quia omnis hæreticus est excommunicatus, iuxta cap. Excommunicamus, 1. & 2. de hæret. & etiã iuxta c. Ad abolendam. in principio: Sic talis, de quo agitur, cum sit vt hæreticus condemnandus, vt dictum est prius, postquam abiuraent, est ab excommunicationis sententia absolendus: absoluetur ergo per hunc modum.

Forma absoluedi ab excommunicatione.

178 **N**A M dicetur Psalmus; Deus misereatur nostri, vel alius; quo dicto addetur, Kyrie elei. Christe elei. Kyrie elei. Pater noster. Et ne nos inducas, &c. Saluum fac seruum tuum, &c. Dominus vobiscum, &c.

Oremus.

PRÆTENDE Domine famulo tuo dexteram caelestis auxiliij, vt te toto corde perquirat, & qua digne postulat, assequatur.

Oremus.

PRÆSTA quaesumus Domine huic famulo tuo dignum poenitentia fructum, vt Ecclesiæ tuæ sanctæ, a cuius integritate fidei denauerat, delinquendo, dono tua gratia reformetur. Per Christum dominum nostrum. Amen. Et post addat sic: Ego auctoritate Apostolica, qua fungor in hac parte, absoluo te a sententia excommunicationis maioris, qua fueras innodatus, pro eo quia talia contra fidem commisisti, propter quæ habitus fuisti suspectus de hæresi violenter, & restituo te Sacramentis Ecclesiæ. In nomine Patris, & Filij, & Spiritus sancti Amen.

Et si fuerat citatus responsurus de fide, & quia venerat contumaciter comparere, fuerat excommunicationis vinculo innodatus, in qua steterat per annum animo pertinaci, & propter hoc vt suspectus de hæresi violenter, & vt hæreticus condemnandus ab ista excommunicatione absoluetur in speciali, qua fuit sententia hominis, & non iuris, dicendo sic: Ego auctoritate Apostolica, qua fungor in hac parte, absoluo te a vinculo excommunicationis maioris, qua per me fueras innodatus, pro eo quia citatus legitime responsurus de fide, reuenter contumaciter comparere: & restituo te sacra

A mentis Ecclesiæ. In nomine Patris, &c.

Qua absolutione facta seretur sententia seu poenitentia per modum tenoris sequentis.

Forma ferendi sententiam, siue iniungendi poenitentiam ei, qui fuit habitus suspectus de hæresi violenter.

NOs N. Episcopus talis ciuitatis, & Frater N. Inquisitor hæreticæ prauitatis, in terris talis domini, a sancta sede Apostolica specialiter delegatus.

ATTENDENTES, quod tu talis de tali loco, talis diocesis, fuisti nobis delatus de talibus, & talibus, fidem sanctam tangentibus, exprimitur illa, & quod nos processimus ad informandum nos super illis, vt iustitia suadebat, & meritis processus diligenter examinatis, & omnibus actis, & actibus in causa præsentis, inuenimus te talia, & talia commisisse, exprimitur illa: Ea propter, & nõ immerito de tali hæresi, exprimitur illa, te suspectum violenter habentes, fecimus te vt taliter suspectum omnem hæresim generaliter, publice abiurare, prout nobis mandant canonicæ

functiones. † Sane cum secundum eadem canonica instituta omnis talis sit vt hæreticus cõdemnandus, & tu faniõri consilio in hærendo, & ad gremium sanctæ matris Ecclesiæ redeundo, abiuraueris, vt præmittitur omnem hæreticam prauitatem: propter quod absoluius te a sententia excommunicationis, qua vt obnoxius Dei Ecclesiæ astrictus merito tenebaris, si tamen de corde vero, & fide non ficta reuerfus es ad Ecclesiæ unitatem; idcirco deinceps inter poenitentes computaberis, ad misericordiæ sinum te sacrosancta Ecclesia recipiente de præsentis. Verũ quia indignũ valde existit offensas diuinas † conuenientibus oculis impunitas pertransire, & iniurias hominũ castigare: cum grauius sit diuinam quam humanam lædere maiestatem: & ne finulta crimina incenituum existant alijs delinquendi, & vt tu efficiaris cautior in futurum, ac minus procliuus reddaris in posterum ad prædicta seu similia committenda, & vt in futuro sæculo leuius patiaris: Nos Episcopus, & Inquisitor præfati præhabitõ in & super his sano ac maturo consilio peritorum; sedentes pro tribunali more iudicium iudicantium, habentes præ oculis solum Deum, & sanctæ fidei irrefragabilem veritatem, sacrosanctis Euãgelijis positus coram nobis; vt de vultu Dei iudicium nostrum prodeat, & oculi nostri videant æquitatem, te talem in nostra præsentia personaliter constitutum, hac die & hora tibi in antea assignatis, sententialiter per modum, qui sequitur condemnamus, seu potius poenitentiamus.

D *† c. Excommunicamus, 1. §. qui autẽ. & c. Cũ contumacia de hære. li. 6.*

E *† c. Vergentis. de hæ. ct.*

In primis quod statim induaris super omnes vestes, quas defers, veste liuida, ad modum scapularis monachi sine capucio facta, ante & retro habente cruce de panno croceo lõgitudinis trium palmorum, & lautudinis duorum: quam vestẽ deferre habeas super omnes vestes alias p

Ii tantum

Vestis poenitentialis.